

lich vnnnd fruchtbar gewesen. Aber der Athleten vnnnd Kempffer
 starck Mannheit vnd Kühheit/ gehet bald dahin/ vnd veraltet mit
 dem starcken Leib / dann wann sie gleich in jren besten Krefftē vñ
 gröster stercke/ seind sie doch weder den gegenwertigen/ noch nach
 kommenden Menschen nütz oder behülfflichen/ dermassen wie die
 Scharpssinnigen gelehrten/ vnd wiewol solchen kein gebürliche
 Lehr erzeigt wirt/ so ist doch das gemüth solcher art vnd neigung/
 das es in Lüfften schwept/ vnnnd in graden der gedancken vbersich
 geführt wird/ dardurch erlangen/ das nicht allein jr Lehr/ sonder
 auch ihr gestalt zu ewiger gedechtnuß in den Herzen vnd gemüth
 der nachkommenden eingebilt wird/ dann welcher sich erlustigt in
 der Lehr vnd scharpssinnigkeit der alten/ der wird die selbige wie
 die Imaginierung der Götter nach/ also nicht allein den verstand/
 sonder auch die Bildnuß Ennū vnd anderer in seinem sinn dermas-
 sen eingebildet haben/ als ob er den selbigen gegenwertig vor ihm
 sehe/ wie auch Accū vnd anderer/ in welcher Schrift wir vns erfre-
 wen vnnnd ein wolgefallen darinn haben/ dann auch ein langezeit/
 nach vnserem absterben / ihr vil mit dem Lucretio als ob er gegen-
 wertig wer/ von der eygenschaft der Natur handeln werden vnd
 disputieren. Desgleichen mit dem Cicerone von der Rhetorica/
 mit dem Varrone von der Lateinischen sprach. Desgleichen wird
 sich auch mancherley erkundigung fürtragen/ der Philologen mit
 den alten Griechischen Scribenten / vnd mancherley heimlich ge-
 sprech sich vnder jnen verlauffen. Dann in Summa auff's kürzist
 dauon zu reden/ haben die Sententz vnd meinung der alten so vor
 langer zeit gewesen/ in allen disputationen vnd Rathschlegē mehr
 ansehens/ vnd werden mehr vnd höher geacht/ etwann der gegen-
 wertigen. Darumb ich/ Großmechtigster Keyser/ auß vertröstung
 der Schrift vnd Lehr der alten Weysen/ welcher Lehr vnd Rath
 ich mit höchstem fleiß ersucht/ vnderstanden hab/ dise gegenwertige
 Bücher zu schreiben/ vnnnd in den ersten sieben Büchern alles/ so
 das Bauwerck betrifft zu handeln. Aber im Achten die art vnd ey-
 genschaft der Wasser begriffen/ vnnnd dieses Neunde Buch den
 Schatten vnd Zeyger/ vnnnd was auß dem Sonnen schein zu
 erlernen vnnnd zu mercken sey / wie solche erlengt
 vnd abkürzt/ verordnet.

Com